

ИНСОН ВА ҚОНУН

ЎЗБЕКИСТОН РЕСПУБЛИКАСИ
АДЛИЯ ВАЗИРЛИГИНИНГ ҲУҚУҚИЙ ГАЗЕТАСИ

2016 йил 26 апрель • сешанба № 16 (1012)

e-mail: insonvaqonun@minjust.gov.uz www.insonvaqonun.uz www.insonvaqonun.adliya.uz



Огоҳлик

Тинчлик ва осойишталикни сақлаш барчамизнинг ишимиз

ДУНЁ яралибдики, тинчлик ва осойишталик башариёт учун энг буюк неъматлардан бири бўлиб келмоқда. Чунки осуда ҳаёт, яратувчанлик, фаровонлик, умуман, барча эзгу мақсадларнинг рўёби, энг аввало, шу неъматга боғлиқлиги барчамизга маълум. Шунинг учун ҳам қадимдан ер юзидagi мавжуд барча халқлар тинчлик учун курашиб келган, ҳатто бу йўлда жон фидо қилганлар. Бунга узок ўтмиш, тарих гувоҳлик беради.

Агар юртда тинчлик бўлмасачи? Жамиятда парокандалик, саросима ҳукм суради. Одамлар ўз жонини асраш илжинида юрак ховучлаб яшайди ёки аксинча, ўз киндик қони тўкилган муқаддас ватанини ташлаб кетишга мажбур бўлади.

Конституциямизнинг 31-моддасида "Ҳамма учун виждон эркинлиги кафолатланади. Ҳар бир инсон хоҳлаган динга эътиқод қилиш ёки ҳеч қайси динга эътиқод қилмаслик ҳуқуқига эга. Диний қарашларни мажбуран синдиришга йўл қўйилмайди", деб кўрсатиб ўтилган.

Дарҳақиқат, давлатимиз раҳбарининг олиб бораётган оқило-

на ва одилона сиёсати тўғрисида бизнинг ўлкамизда тинчлик, осойишталик, фаровонлик ва барқарорлик ҳукм сузмоқда. Энг муҳими, жажжи болаларнинг ҳар тонгда боғча ва мактабларга йўл олиши, нуруний отахону онахонлар ҳар лаҳзада дуода бўлиб, элимизга, хонадонларимизга файзу барака тилаб туришлари, атрофга назар ташлаб жаннатмакон юртда яшаётганимиз ва кунимиз тинч, ҳаётимиз осуда ўтаётганигининг ўзи энг катта бахт эканлигини ҳис қилиб турибмиз. Хотиржам ҳаётимизни қор олмаётган, осойишталигимизга раҳна солмоқчи бўлганлар ҳам афсуски, йўқ эмас.

Кенгайтирилган йиғилиш

АДЛИЯ ВАЗИРЛИГИДА 2016 йил 1-чорак якунларига бағишланган кенгайтирилган йиғилиш ўтказилди.



Йиғилишда таъкидланганидек, ҳисобот даврида қонун ижодкорлиги ва ҳуқуқни қўллаш йўналишида бир қатор эътиборга лойиқ тадбирлар амалга оширилди. Хусусан, 29 та норматив-ҳуқуқий ҳужжат, шу жумладан, 10 та қонун лойиҳаси ишлаб чиқилиб, ҳукуматга киритилди. 1.222 та қонун ҳужжати лойиҳаси ҳуқуқий экспертизадан ўтказилди. 61 та идоравий норматив-ҳуқуқий ҳужжатлар давлат рўйхатида олинди. Урганишларда аниқланган қонунбузилиш ҳолатларини бартараф этиш бўйича вазирлик ва идораларга 1.784 та тақдимнома киритилиб, давлат органларининг 614 та ноқонуний қарори бекор қилинди. Судларга киритилган 20,6 миллиард сўмдан ортиқ қийматдаги даъво аризалари қаноатлантирилди. Шикоятларнинг ижобий ҳал этилиши натижасида 680 та фаолият кўрсатмаётган тадбиркорлик субъектларининг фаолияти тикланиб, уларда 1.717 та иш ўрни яратилди.

Айтиш лозимки, тадбиркорлар фаолиятига ноқонуний аралашганлик учун жавобгарликнинг кучайтирилиши натижасида бундай салбий ҳолатлар кескин камайди. Қўйидаги рақамлар фикримизни тасдиқлайди. Ноқонуний тегишлилар ўтган йилнинг мос даврига нисбатан 91 фоизга, тегишлилар тартибини бузиш эса 58 фоизга камайди.

Суд департаменти органлари томонидан қарийб 3 триллион сўмдан ортиқ қийматдаги ижро ҳужжатларининг ижроси тасминланиб, мажбурий ижро ҳаракатлари натижасида амалда 2 триллион 536 миллиард сўмдан ортиқ маблағлар ундирилди.

Давлатимиз раҳбари ва ҳукумат топшириқлари ижросини таъминлашда ҳам адлия органлари томонидан бир қатор ишлар амалга оширилди.

"Соғлом она ва бола йили" Давлат дастури доирасида "Ёшларга оид давлат сиёсати тўғрисида"ги Ўзбекистон Республикаси Қонунининг янги тахриридаги лойиҳаси ишлаб чиқилиб, Вазирлар Маҳкамасига киритилди.

Умуман, қонун ижодкорлиги, ҳуқуқий ёрдам кўрсатиш, тадбиркорлик, шартномавий-ҳуқуқий ишлар, инсон ҳуқуқларини ҳимоя қилиш, юридик таълим ҳамда халқаро-ҳуқуқий муносабатлар йўналишида салмоқли ишлар амалга оширилган.

Ҳайъат мажлисида қилинган ишлар билан бир қаторда тизимдаги айрим муассасалар фаолиятида йўл қўйилган хато ва камчиликларга ҳам эътибор қаратилди.

Хусусан, ижро интизоми, ўтказилган тадбирлар мониторинги, мувожаатларни кўриб чиқишдаги камчиликлар аниқ мисолларда кўрсатиб ўтилди. Улар юзасидан масъул раҳбарларнинг ахборотлари тингланди.

Аниқланган хато ва камчиликларни бартараф этиш, келгусида бундай ҳолатларга йўл қўймаслик алоҳида таъкидланди. Бунда ҳар бир тармок раҳбарлари ва масъул ходимларининг фаоллигини ошириш, масъулиятини кучайтириш зарурлигига урғу берилди.

Муҳокама этилган барча масалалар бўйича йиғилишнинг тегишли қарори қабул қилинди.

Адлия вазирлиги Ахборот хизмати

Таълим ва ислохот

Томчида қуёш акси

ёхуд Президентимизнинг "Юридик кадрлар тайёрлаш тизимини янада такомиллаштириш чора-тадбирлари тўғрисида"ги Қарори ижросининг биргина жиҳати ҳақида

МУСТАБИД сиёсатга таянган тузумдан инсоннинг ҳуқуқ ҳамда эркинликлари тўлиқ таъминланадиган демократик жамиятга ўтишнинг энг самарали усули — "тараққиётнинг ўзбек модели" асосида йилдан-йилга ривожланиб бораётган мустақил мамлакатимиз эришаётган ютуқларнинг халқаро эътирофи ҳар биримизда гурур, ифтихор туйғуларини уйғотиши табиий. Энг муҳими — бу ютуқлар қандайдир тасодифлар эвазига қўлга киритиладиган муваффақият, ўткинчи характердаги кўрсаткичлар эмас, балки тағзамини мустаҳкам, бундан кейин муттасил кўпайиб ва ўсиб бориши кафолатланган натижаларнинг бошланиши бўлиб, Президентимиз башорат қилган яхши маънодаги "портлаш эффекти"нинг дастлабки самараларидир.



Адлия аралашгач...

Иш бажарилган аммо ҳақ тўланмаган эди

БУГУНГИ КУНДА юртимизда фаолият юритаётган тадбиркорлик субъектларининг аксариятини фермер хўжаликлари ташкил этади. Уларнинг ҳуқуқ ва қонуний манфаатларини ҳимоя қилиш борасида ҳукуматимизнинг аниқ чора-тадбирлари, дастурлари ишлаб чиқилиб, улар ижроси жойларда муваффақиятли амалга оширилмоқда.

Бу каби тегишли қонун ҳужжатларидан келиб чиқиб, фермер хўжалиқларининг ҳуқуқ ва қонуний манфаатларини ҳимоя қилиш мақсадида Тошкент вилоят адлия бошқармаси томонидан мунтазам равишда зарур чора-тадбирлар олиб борилмоқда.

Хусусан, 2016 йилнинг 1-чорагида "Ишонч телефони"га келиб тушган 17 та муурожаат ўз вақтида ўрганилиб, шундан 10 таси қаноатлантирилди, 5 тасига ҳуқуқий тушунтириш берилди, 1 таси бўйича тақдимнома, 9 таси бўйича эса 119,2 сўмлик Хўжалик судига даъво ариза киритилди.

Масалан, Чиноз туман Йўлтушган ҳудудида фаолият юритаётган "Тухтабой ота набиралари" фермер хўжалиги бошлиги А.Турдибеовнинг "Чиноз пахта тозалаш заводи" томонидан 2015 йил ҳосили учун тўланиши лозим бўлган пулни ололмаётганидан норози бўлиб, бошқарманинг "Ишонч телефони"га қилган муурожаати ўрганилиб, "Чиноз пахта тозалаш заво-

ди"дан фермер хўжалигининг манфаатини кўзлаб, 61,5 миллион сўмлик пул маблағини ундириш юзасидан тегишли судга ариза киритилди.

Шунингдек, вилоят адлия бошқармаси томонидан тайёрловчи, таъминотчи ва хизмат кўрсатувчи ташкилотлар билан фермер хўжаликлари ўртасида 2016 йил ҳосилидан қишлоқ хўжалиги маҳсулотлари етиштириб бериш юзасидан 33 мингдан зиёд шартномалар тузилишида зарур ҳуқуқий ёрдам кўрсатилди.

Шартномалар тузилишида ҳуқуқий ёрдам кўрсатилиши жараёнида 1.482 та хато ва камчиликлар аниқланди. Аниқланган хато ва камчиликлар адлия бошқармаси томонидан жойида бартараф этилди.

Мусаёжон КАРИМОВ,
Тошкент вилоят адлия бошқармаси
масъул ходими

Муурожаат муддати бузилгач...

ҚАШҚАДАРЭ ВИЛОЯТ адлия бошқармаси томонидан нодавлат нотижорат ташкилотларининг ҳуқуқлари ва қонуний манфаатларига риоа этилиши юзасидан муайян ишлар амалга ошириб келинмоқда.

Хусусан, Ўзбекистон футболни қўллаб-қувватлаш жамоат фонди Қашқадарё вилоят филиали ижрочи директори Ш.Игамбердиевнинг АТБ "Микрокредитбанк" вилоят филиали мансабдор шахслари томонидан муурожаатлари ўз вақтида кўриб чиқилмаётганидан норози бўлиб ёзган муурожаати юзасидан ўрганиш ўтказилди.

Аниқланишича, Ш.Игамбердиевнинг муурожаати АТБ "Микрокредитбанк" вилоят филиалида 2015 йил 11 майда 315-сон билан қайд қилинган ва ижро учун бош ҳисобчи Ў.Узақовга юклатилган. Бирок бош ҳисобчи ушбу муурожаатни кўриб чиқиш муддатини узрли сабабларсиз бузиб, 2015 йил 25 июнга қадар муурожаат муаллифига ёзма ёхуд электрон шаклда жавоб юбормасдан, "Жисмоний ва юридик шахсларнинг муурожаатлари тўғрисида"ги Қонун талабини бузганлиги учун тўланган ҳужжатлар вилоят прокуратурасига юборилди.

Вилоят прокуратураси томонидан АТБ "Микрокредитбанк" вилоят филиали бош ҳисобчиси Ў.Узақовга нисбатан маъмурий жавобгарлик тўғрисида иш қўзғатилиб, кўриб чиқиш учун жоният ишлари бўйича Қарши шаҳар судига юборилди.

Суднинг 2015 йил 7 августдаги маъмурий жазо қўллаш тўғрисидаги қарорига асосан Ў.Узақов Маъмурий жавобгарлик тўғрисидаги кодекснинг 43-моддасида кўрсатилган ҳуқуқбузарлиқни содир этган, деб топилди ва унга тегишли жазо тайинланди.

Алишер ИСОҚОВ,
Қашқадарё вилоят адлия бошқармаси масъул ходими

Анжуман

Хизматлар самараси ортмоқда

ЎЗБЕКИСТОН РЕСПУБЛИКАСИ Қонун ҳужжатлари маълумотлари миллий базаси — "LexUZ" имкониятларидан самарали фойдаланиш йўл-йўриқларига бағишланган амалий семинар машғулотлари ўтказилди. Анжуман Адлия вазирлиги ва Хоразм вилоят ҳокимлигининг ўзаро ҳамкорлигида уюштирилди. Унда вилоятдаги барча "Ягона дарча" марказлари ходимлари, мазкур хизмат турини йўлга қўйган идора ва ташкилотларнинг мутахассислари, тадбиркорлик субъектлари, бошқаруш ва назорат органлари вакиллари иштирок этди.

Сўзга чиққанлар "Ягона дарча" фаолиятининг афзал ва қулай жиҳатлари хусусида атрафлиқа фикр юритдилар. "Ягона дарча" марказлари иш бошлаганидан буён ўтган дастлабки 3 ой ичида жорий этилган 16 та тур бўйича жами 40 мингдан зиёд, биргина Хоразм вилояти бўйича эса 1720 та давлат хизматлари кўрсатилгани қайд этилди. Ҳозир ушбу вилоятдаги маҳаллий ҳокимликлар қошида 11 та "Ягона дарча" маркази хизмат кўрсатапти.

Анжуманда иштирок этган Адлия вазирлиги ва Хоразм вилоят адлия бошқармасининг шу ишга мутасадди ходимлари масаланинг энг мақбул ташкилий-техник ечими сифатида Ўзбекистон Республикаси Қонун ҳужжатлари миллий базаси — "LexUZ"нинг имкон ва афзалликларини батафсил тушунтириб бердилар.

Семинар иштирокчилари маърузачилар ва анжуман ташкилотчиларига саволлар, таклиф ва мулоҳазалар билан муурожаат қилишди ва унга тўлақонли жавоблар олишди. Шақланган марказлар ишини юқори босқичга кўтариш, фаолият самардорлигини янада ошириш юзасидан амалий таклиф ва тавсиялар берилди.

Руслан МАТРАСУЛОВ,
Хоразм вилоят адлия бошқармаси
масъул ходими

Хотираси ҳамиша эъзозда

Х.СУЛАЙМОНОВА номидаги Республика суд экспертизаси марказининг собиқ директори, олим, Ўзбекистонда хизмат кўрсатган фан арбоби, юридик фанлар доктори, профессор Борис Ильич Пинхасов 88 ёшда ҳаётдан кўз юмди.

Борис Пинхасов 1928 йилда Қўқон шаҳрида туғилган. 1949 йилда Тошкент давлат юридик институтини тугатиб, ўз меҳнат фаолиятини Тошкент давлат юридик институтининг илмий-тадқиқот криминалистик лабораториясида кичик илмий ходим лавозимидан бошлаган. Кейинчалик Адлия вазирлигида ҳам масъул лавозимларда фаолият олиб борди. 1958-1972 йилларда Тошкент суд экспертиза илмий-тадқиқот институтининг директори ўринбосари, 1972 йилдан то 1997 йилгача мазкур институт директори лавозимида ишлади.



Борис Ильич 1961 йилда номзодлик, 1972 йилда докторлик диссертациясини ёқлаб, профессорлик унвонини олди. Олимнинг 130 дан ортиқ илмий асари, шу жумладан, 10 дан ортиқ рисоласи чоп этилган. Хизматлари ҳукуратимиз томонидан муносиб тақдирланиб, унга Ўзбекистонда хизмат кўрсатган фан арбоби фахрий унвони берилди.

Унинг бошчилигида 1992 йилда Х.Сулаймонова номидаги Республика суд экспертизаси марказида суд-фонография, 1995 йилда иқтисодий экспертизаларни ўтказиш ташкил қилинди.

У жамоат ишларида фаол иштирок этиб, юклатилган ҳар бир вази-

фани сикдидилдан бажарарди. Тошкент шаҳар кенгашининг ҳуқуқ-тартибот масалалари комиссияси раиси, Ўзбекистон Республикаси Конституциявий суди аъзоси бўлган.

У кўплаб илмий ишларга раҳбарлик қилди. Олим, профессор, Ўзбекистонда хизмат кўрсатган фан арбоби, Республикада суд экспертизаси ва криминалистика фанини ривожлантиришга улкан ҳисса қўшган, моҳир устоз ва жонқуяр мураббий Б.И.Пинхасов хотираси ҳамкасблари, шогирдлари қалбида абадий яшайди.

Ҳамкасблари ва шогирдлари

Восита

Тил билган эл билади

МАЪЛУМКИ. Бирлишган Миллатлар Ташкилотининг 6 та расмий иш тили — инглиз, араб, хитой, француз, рус ва испан тиллари мавжуд. UNESCO (БМТ Таълим, илм ва маданият ташкилоти) 2010 йилда қабул қилган қарорига асосан мазкур тилларнинг ҳар бири учун халқаро тил кўни белгилаб қўйилган. Унга мувофиқ 23 апрель — инглиз тили кўни деб эълон қилинган.

БМТ доирасида тил қуларини нишонлашдан мақсад БМТнинг аъзо мамлакатлари ўртасида олти тил соҳибларининг тарихи ва маданиятларига нисбатан ҳурматни англатиш баробарида улар эришган ютуқлардан ҳам баҳраманд қилишни билдиради.

Инглиз тили тарихига назар ташласак, у шу тил соҳиб бўлган инглиз халқи тарихи билан чамбарчас боғлиқ. Инглиз тили Хинд-Европа тиллар оиласининг Герман тиллар гуруҳига киради. У ўзининг эволюцион тараққиёти давомида 3 та асосий фазани (даврни) босиб ўтади.

Жумладан, инглиз тили ривожланишининг учинчи фазаси 1500 йилдан ҳозирги кунгача бўлган даврни ўз ичига олади. Бу давр инглиз тилининг дунёга тарқалиши билан белгиланади. Маълумотларда кўрсатилишича, бу даврда Британия империяси кўплаб мамлакатларни ўз мустамлакасига айлантиради ва инглиз тили дунё бўйлаб тарқалади.

Шунингдек, Иккинчи жаҳон урушидан кейинги глобализация шароитида дунёдаги сиёсий, иқтисодий, маданий ва илм-фан ҳамда янги технологиялар соҳасида АҚШ ва Англия етакчилик қилади. Айниқса, бир қатор халқаро ташкилотларнинг пайдо



бўлиши, давлатлар ва халқлар ўртасида савдо, бозор муносабатлари, иқтисодий, илмий, техникавий ҳамкорликка интеграциялашиш, рақобат, шу жумладан, миллий ва халқаро банк тизими, глобал коммуникация кенг жорий қилиниши инглиз тилининг асосий халқаро иш тили ва мулоқот воситаси сифатида расман қабул қилинишига замин яратди.

Ўзбекистон ҳам мана шундай жараёнлардан четда қолмасдан, аксинча, унга фаол кириб бориб, интеграциялашди. Айниқса, мустақиллик йилларида она тилимизнинг халқаро майдондаги обрў-эътибори ва нуфузини юксалтириш, мамлакатимизнинг жаҳон коммуникация тизимига интеграциялашувини таъминлаш, фарзандларимиз учун чет тиллар, ахборот технологияларини ҳар томонлама пухта эгаллаши, бу борада қулай имкониятлар яратиш, лотин алифбосига асосланган она тилимизнинг истиқболлини мустаҳкам-

лашга алоҳида эътибор қаратилди. Шу мақсадда 1993 йил 2 сентябрда **“Лотин ёзувига асосланган ўзбек алифбосини жорий этиш тўғрисида”**ги Қонун қабул қилинди. Бугунги кунда мамлакатимизда таълимнинг барча босқичларида ана шу алифбо асосида билим берилмоқда ва у халқаро электрон коммуникация тизимида фаол қатнашиш учун катта имконият яратмоқда.

Шунингдек, бугунги кунда долзарб ҳисобланган хорижий тилга эътибор, айниқса, Президентимизнинг 2012 йил 10 декабрдаги **“Чет тилларни ўрганиш тизимини янада такомиллаштириш чора-тадбирлари тўғрисида”**ги Қарорини амалга татиқ этиш йўлида кенг қўламли ишлар олиб борилмоқда. Аввало, Ўзбекистон давлат жаҳон тиллари университетини учун янги ўқув ва ётоқхона корпуслари мажмуаси қурилди, чет тилларни ўқитиш бўйича энг охириги технология ва элект-

рон қурилмалар билан жиҳозланди. Чет тилларни, айниқса, инглиз тилини ўрганишга жуда катта аҳамият берилиб, у 2015 йилдан бошлаб таълим масканларида 1-синфдан бошлаб ўқитилмоқда. Университетларда эса профессор-ўқитувчилар 30 фоиз ўқув юктамаларини инглиз тилида олиб бормоқдалар.

Айни пайтда ёшларимиз орасидан чет тилларни, айниқса, инглиз тилини мукамал биладиган кадрлар аллақачон етишиб чиққанлиги ва улар чет элликлар билан ҳамкорликда фаолият олиб бориб, кўплаб қўшма корхоналар, халқаро ташкилотлар, элчионалар ҳамда кенг миқёсда олиб борилаётган иқтисодий, таълим, илмий, маданий, савдо ва тадбиркорлик каби йўналишларда тенг рақобатга кириша олаётгани таъсирга сазовордир.

Хулоса қилиб айтганда, пойтахтимиз Тошкент билан бирга тарихий ва замонавий шаҳарларимиз минтақавий ва халқаро анжуманлар, ярмаркалар ва кўплаб семинар ҳамда тренинглар учун мезбонлик қилиб келмоқда. Чунки барча шарт-шароитлар, юқори технологиялар билан жиҳозланган инфратузилмалар, шу жумладан, БМТнинг 6 та расмий иш тилида синхрон таржималарни юқори савияда таъминлай оладиган таржимонларимизнинг борлиги ўзаро муносабатларга киришишимизда айни мuddао бўлмоқда.

Косимбой МАМУРОВ,
“Демократлаштириш ва инсон ҳуқуқлари”
журнали инглиз тили бўйича муҳаррири

Реклама

Хурматли юртдошлар!




"Асака" банк

2016 йил — “Соғлом она ва бола йили”, деб эълон қилиниши муносабати билан қуйидаги миллий валютадаги мuddатли янги омонат турини таклиф этади:

“СОҒЛОМ ОНА ВА БОЛА”

Ушбу омонатга ҳисобланган фоизлар ҳар ойда ёки омонат мuddати тугагандан сўнг берилади.



Шу билан биргаликда “Асака” банк миллий валютада 26 турдаги ва хорижий валютада 14 турдаги қулай шартларда омонат турларини таклиф этади. Омонатларни банкнинг барча филиалларида расмийлаштириш мумкин. Мурожаат учун телефонлар: 120-39-81, 120-39-60, 120-39-63.

Филиаллар	Код	Телефонлар	Филиаллар	Код	Телефонлар
Тошкент шаҳар филиали	371	120-83-13	Наманган вилоят филиали	369	227-15-68
Автотранспорт филиали	371	120-39-95	Навоий вилоят филиали	436	770-21-29
Шайхонтоҳур филиали	371	140-39-36	Зарафшон филиали	436	572-40-14
Юнусобод филиали	371	221-80-67	Бўҳоро вилоят филиали	365	770-05-19
Сирғали филиали	371	257-44-10	Бўҳоро шаҳар филиали	365	770-11-27
Тошкент вилоят филиали	371	120-84-13	Самарқанд вилоят филиали	366	233-65-47
Андижон вилоят филиали	374	223-60-74	Афросиёб филиали	366	221-71-76
Асака филиали	374	233-21-99	Қашқадарё вилоят филиали	375	221-07-41
Фарҳод филиали	374	226-96-63	Сурхондарё вилоят филиали	376	770-82-12
Фарғона вилоят филиали	373	244-39-14	Қорақалпоғистон филиали	361	770-60-59
Марғилон филиали	373	237-62-23	Хоразм вилоят филиали	362	228-14-81
Олтиариқ филиали	373	432-19-80	Сирдарё вилоят филиали	367	225-44-03
Қўқон филиали	373	542-61-01	Жиззах вилоят филиали	372	226-43-11

Барча омонатларингиз Фуқароларнинг банклардаги омонатларини кафолатлаш фонди томонидан кафолатланади.

Сизнинг омонатларингиз:

- солиқ ва мажбурий тўловлардан озод!
- эгалик ва тасарруф ҳуқуқи ўз ихтиёрингизда!
- маълумотлар сир сақланиши тўлиқ кафолатланади!
- миқдори чекланмаган!

“Асака” банк — сармоянгиз сақланиши ва кўпайишини кафолатлайди!

www.asakabank.uz

Хизматлар лицензияланган.

Qishloq Qurilish Bank

Барча юртдошларимизга қуйидаги янги омонат турларини таклиф этади:

Миллий валютада:

- “Соғлом авлод” — омонатга маблағлар 4 ойда қабул қилинади;
- “Омад” — омонатга маблағлар 4 ойда қабул қилинади;
- “Ёрқин келажак” — омонатга маблағлар 8 ойда қабул қилинади.

Ушбу омонатларга ҳисобланган фоизлар ҳар ойда тўлаб берилади.

“Юқори даромад” — омонатга маблағлар 8 ойдан 15 ойгача қабул қилинади.

Омонатга ҳисобланган фоизлар омонат мuddати тугагандан сўнг тўлаб берилади.

Хорижий валютада:

- “Капитал плюс” — омонатга маблағлар 1 ойда қабул қилинади;
- “Percent” — омонатга маблағлар 4 ойда қабул қилинади;
- “Profit” — омонатга маблағлар 12 ойда қабул қилинади.

Омонатга маблағлар АҚШ долларларида қабул қилинади, фоизлар ҳар ойда ёки омонат мuddати тугагандан сўнг берилади.

Қуйидаги омонат турлари намунавий лойиҳалар асосида қурилатган уй-жойларни олувчи фуқароларни қўллаб-қувватлаш мақсадида жорий қилинган:

- “Мадад” — маблағлар 1 йилдан кам бўлмаган мuddатга қабул қилинади;
- “Хонадон” — маблағлар 1 йилдан ортиқ мuddатга қабул қилинади;
- “Қурилишга бошлангич бадал” — мuddати — 1 йил.

Сизнинг омонатларингиз Фуқароларнинг банклардаги омонатларини кафолатлаш фонди томонидан кафолатланади.

Сизнинг омонатингиз:

- ✓ солиқ ва мажбурий тўловлардан озод!
- ✓ эгалик ва тасарруф ҳуқуқи ўз ихтиёрингизда!
- ✓ миқдори чекланмаган!

Мурожаат учун:
(+99871) 150-72-58, 150-39-93,

www.qqb.uz

Қишлоқ қурилиш банк — фаровон ҳаётингиз хизматида!

Хизматлар лицензияланган.